

403358

III 1822/23

ms. 403358<sup>nt</sup> 2

# INDEX LECTIONUM

IN

UNIVERSITATE STUDIORUM JAGELLONICA

A DIE 1. OCTOBRIS ANNO MDCCCXXII.



AD MEDIUM MENSEM JULII ANNO MDCCCXXIII.

INSTITUENDARUM.

*Index*

*96*

*Boysen, Schuler*



CRACOVIAE.

TYPIS ACADEMICIS.

DOUBLETTE



778563

Civibus Literarum Studiosis

S. P.

Universitatis Studiorum Jagellonicae Cracoviensis

P R O

R E C T O R E

SEBASTIANUS GIRTLER

PHIL. ET MED. D. FAC. MED. DECANUS.

Cum Senatu Academico.



Inter quatuor ejus nominis oppida, quæ Carrhodunum vocata fuerunt, unum Longitudinis  $42^{\circ} 30'$  Latitudinis  $51^{\circ} 30'$  Ptolemæus antiquus circa 160 a. post Christum natum Geographus memoriæ prodidit, quod vulgo Cracovia nostra fuisse creditur, vid. Bertii Editio in Theatro Geographiæ Veteris a 1618 I. p. 160. Editio Ulmensis I. 1482 II. 1486. et multæ aliæ sequiores idem perhibuerunt. Sufficit autem pro omnibus unius celeberrimi viri Mannerti auctoritatem interponere T. III. Geographiæ antiquæ Germanice scriptæ Lips. 1820. p. 467. „Karrhodunum, si aliorum oppidorum distantiam „consideraverimus, in itinerario versus Calisiam et Budorigum, quæ, Rati- „boria est, alia civitas esse non potest, quam nostri ævi urbs Cracovia. Sita „est autem ad Vistulam, cujus fontes Ptolemaeus ultra ejus agrum ad septen- „trionem versus Orientem non suo loco posuit, quod quidem utique vero „hujus urbis situi repugnat. Sed quum idem Auctor Montem Asciburgium e „cujus extremis radicibus hunc amnem defluere putabat, nimis ad Septen- „trionem et orientem promovisset, etiam caput hujus fluminis, ut non suo „loco collocaverit, necesse fuit. Hæc sunt Mannerti verba. Itaque Ptole- „mæus in Geographiæ Libris VIII. quum veros Vistulæ fontes in Monte Barania Gora in Principatu Tessinensi e tribus rivulis, Biała, Czarna et Ma- linka Wisła, ignoraret, Carrhodunum hoc et Casurgim et Budorgim et alia oppida plura  $50^{\circ}$  et  $51^{\circ}$  Lat. quæ in sinistra Vistulæ ripa sita sunt, in dextra posuit. Sed vera Cracoviæ nostræ Latitudo teste Lencio Astronomo, Miscell. Crac. II. 24. est  $50^{\circ} 3' 52''$  qui numerus sane dato Ptolemaeano non congruit, ita ut, si solam poli altitudinem spectemus, illud antiquum Carrhodunum a no- stra

Biblioteka Jagiellońska



1002470117

403358

III



1822/1823

Bibl. Jagiellońska  
1978 12 570/76



stra Cracovia ultra 20 vel 22 milliaria ad Septentrionem abesset. Sed utrum  
revera Carrhodunum illud Cracovia nostra fuerit, nec ne, non admodum pro  
illa sententia pugnabimus. Etsi enim non raro acciderit, ut in derelictis an-  
tiquorum populorum sedibus novi populi nova conderent oppida, tamen id  
non semper factum fuisse certum est et non raro antiquissimarum urbium ve-  
stigia longo a recentiorum civitatum positione intervallo distant. Cæterum  
Gallicum sive potius Celticum est nomen Carrhodunum, quod collem curru-  
um significare dicitur. Utrum vero Celtæ an Teutonici homines an Slavi  
quicunque Vistulæ accolæ Ptolemæi temporibus illud Carrhodunum incolue-  
rint, quis nostro ævo eruere poterit, quum nulla fere quod ad linguam in-  
colarum illius temporis antiquitas tradiderit illorum populorum monumenta. At-  
tamen in memoriam revocare liceat omnia fere sive Gallica sive Celtica sive  
Teutonica sive Sarmatica nomina, quæ apud Ptolemæum memorentur, pau-  
cioribus exceptis, non a Germanice, sed a Slavice loquentibus hucusque esse  
conservata. v. g. Corconti, Krkonosze, Bohemice, Luti, Buri. *Luty* crudelis  
Slavonice, Ecclesiastica dialecto, *Bury*, fuscus, virgatus, Polonice. His addere  
lubet Vistulam, Wislam, apud Iordanem Wisclam, quod vocabulum certe  
propius ad antiquum Ptolemæi nomen accedere videtur, quam Germanicum  
die Weichsel. Itaque Calisia, Krapak, Krempak pars Carpathici montis. Mul-  
ta loco Buda, Budyn, Budzyń per Pannoniam et Bohemium, Budy, Budki  
per Poloniam. Sed his etiam non omnia tribuere volumus, nam varii fortunæ  
casus multa tulisse videntur, quæ explicari nunc non possint. Non raro fie-  
ri potuit, ut sub antiquo nomine novus populus latuerit, et antiquus sub  
novo nomine sederit pristino loco v. g. Hermunduri, Thuringi, Bohemi, Cze-  
chi, Cambri, Cantuarii etc. Sic Carrhoduni, Budorgi et nescio, quibus Cel-  
tici nominis locis tum Germani tum Slavi suo tempore habitare potuerunt.  
Sit itaque liberum cunctis in antiqua Carrhoduni sede vel Gallos, vel Ger-  
manos vel Slavos quoscunque ponere pro lubitu. At antiquam nostram Cra-  
coviam ad radices montis Waveli a Slavis conditam, ut fert traditio, non se-  
culo demum octavo a Craco I (a. 700 sive 750) quicunque is fuerit ad Vistulæ  
jam a confinibus Silesiæ navigabilis ripam positam fuisse, sed forsitan aliquot  
seculis antiquiorem a primis Chrobatæ Polonicæ incrementis ortam esse, ut  
quidam volunt, multis credibile est. Nam Bohemos Czechos olim albos Chro-  
batos fuisse Nestor memoriæ prodidit, quod Dobnerus ad Hagecium luculentius  
demonstravit Dobner II. p. 11. 16. Nestor Schloezeri II. 66. et in ficto apud  
Cosmam Pragensem privilegio Episcopatus Pragensis 1086. ed Dobrovscii T.  
I. p. 171 occurrit duplex Chrovati, h. e. Chrovat' sive Chrobatia, quarum  
altera disertis verbis circa Cracoviam fuisse dicitur. Atque quamvis eam Dobnerus  
P. 1. ad Hagecium in Prooemio p. 163 ad rempublicam Bohemorum pertra-  
xerit, tamen quum Nestor ad Vistulam solos Polonos Lechitas posuerit,  
Polonicam Chrobatiam, qui eam fuisse censent, rectius non nullis judicare  
videntur. Exstat etiam apud Nestorem et tertia Chrobatia p. 121 ad Asiæ  
confinia. Item et Czerwenicæ urbes Chrobatia rubra dictæ sunt, et quæ nunc  
est Chrobatia. s. Croatia a Septentrionalibus populis originem trahit Slavici  
nominis regnum. Quam ob rem non miramur esse aliquos, qui Cracum il-  
lum a. 750 cujus tumulus trans Vistulam in monte Lasota e regione urbis ere-



etus est, non primum conditorem, sed instauratorem urbis fuisse asserant, sive nova civitas in antiqui Carrhoduni locum statim succederet, sive interjecto aliquo tempore post primum Slavorum adventum eodem, vel alio eoque novo loco exstructa fuerit, quod quidem jam seculo III<sup>to</sup> vel IV<sup>to</sup> aut tandem V<sup>to</sup> post Christum natum accidere potuit, siquidem Sarmatæ Slavi semper viciniae fuerint. Sed de his ut incertis multa disserere nolumus, sed quod jam ex rerum gestarum memoria certo certius est, id tacere non possumus: Cracoviam antiquissimam in his regionibus urbem, quocunque illa seculo condita fuerit, tandem successu temporum auctam accessione suburbiorum ad tantum ambitum excrevisse, ut seculo XV. et XVI. ad octoginta millia incolarum complecteretur. Quam ob rem mirum in modum Auctor cæteroquin eruditissimus incuria rerum Slavicarum erravit, qui scripsit (Kruse Archiv für alle Geographie III. p. 99) Cracoviam paulatim e quatuor minoribus oppidis coaluisse civitatem, scilicet: Cracovia, Clepardia, Stradomia et Casimiria. Nam Clepardia olim suburbium a Casimiro Magno a. 1346 jus civitatis obtinuit vid. Dlugossi Hist. Libr. I. p. 39. quæ quidem a tignis ad dolia sali condendo aptatis *Klepki* vulgo *Kleparz* appellata fuisse fertur, quia ibi magna salis nativi usque ad novissima seculi præteriti XVIII tempora ad a. 1768 fuerunt horrea. Stradomia nunquam fuit civitas, sed antiquissimum est adhucdum suburbium, cujus nomen a Slavorum Aeolo *Stry* sive *Str* Ventorum Deo derivatur. Sunt autem in Silesia quatuor pagi *Stradom* s. Domus Dei *Stry*, nam genitivus casus Polonice *Stra* sonat, vid. Martini Index pagorum Silesiæ p. 164. Est etiam in Myslenicensi tractu trans Vistulam ejus nominis pagus et oppidulum in tractu Czenstochoviensi cis Vistulam, et plura facile alia invenientur hujus nominis exempla. Casimiria autem a Casimiro Magno a. 1335. d. 3. Kal. Martii Sandomiriæ demum in civitatem erecta fuit, de qua Nakielski in Miechovia sacra Classe I. p. 258. 259 consulendus est. In cujus urbis colonia deducenda, inquit, præcipua usus est opera hominum generis Teutonici, quos in Hecia acciverat, unde etiam alteram uxorem, mortua priore duxerat, Adelaidem sive Hedvigim nomine Henrici Hessorum (sic) Landgravii filiam—Cum qua plurimi ex Germania huc ad nos commigrasse feruntur, ex quibus prima ac præcipua familia DD. Fororum, ut publica monumenta illius urbis actaque vetusta profitentur, censetur fuisse. Pagos antiquissimæ hominum memoriæ Bawol, ubi nunc Casimiria est, Stradomiam, priscae gentilitatis sacris idololatricis celebratam, et Clepardiam tandem antiquiori Cracoviæ civitati adjuncta fuisse oppida nemo negabit, quæ jam ab a. 1792. uni magistratui parere coepit, nunc autem ab amplissimo XII. Virorum Senatu et Præsidente Illustrissimo Comite Stanislae Wodzicki literarum et virorum doctorum Fautore et Mæcenate Humanissimo regitur, ab a. 1816. Cujus Viri excellentissimi auspiciis in agris 80000. in urbe 24000. capitum in terra liberæ civitati subjecta eaque per 20½ milliaria, quæ dicuntur quadrata, extensa beneficio Augustissimorum Imperatorum et Regum Civitatis Cracoviensis et Universitatis Jagellonicae Protectorum Francisci I. Alexandri I. et Friderici Wilhelmi III., quos ut Deus Optimus Maximus Patres Patriæ longissimum in ævum fortunet et sospitet, precamur, feliciter credita sunt. Carrhodunum autem nostrum Vir doctissimus Krusius apud Hallenses ad Salam Professor celeberrimus Zarnoveciam transtulit



8 abhinc milliariibus in via Varsaviam ferente oppidum sat exiguum ad Piliciam  
annem, idque eo consilio fecit, ut a Sandecia Veteri ad Danubiolum (Duna-  
jetz) sita, quam Asancam Ptolemæi scite, sed nescio an recte judicat, octo-  
decim milliaria computaret, et inde per Leucaristum, quod oppidulum Woł-  
czyn Polonice, Constadt Germanice vocatur, itinerarium suum deduceret Bu-  
dorgim, quam Laskowice Pagum 3 milliariibus a Wratislavia distantem esse  
nunc censet. Sed recta nunquam Cracovia per Zarnowecim in Silensiam fuit  
via, quia hoc oppidum nimis ad orientem divergit, et fere omnia alia pro-  
piora sunt itinera tendentibus in Silesiam, eaque longe faciliora, minus mon-  
tosa, planiora nec sufficiunt 18 vel 19 milliaria Zarnovecia Wolczynum,  
sed certo aliquot milliaria amplius emetienda erunt. Zarnoveciam idem Au-  
ctor, ubi repudiata a Cassimiro Magno aut potius neglecta Adelaidis regina 14.  
annis vixit infelix conjux, tandem in Czarnodunum mutavit, quod quidem  
vocabulum monstrum Celticæ et Slavicæ linguæ esse quilibet fateatur, necesse  
est, qui non ignoret litteras radicales Slavonicas Z. Ž. CZ. C. scilicet Zemla  
Žywete, Czerw et Cy, nec esse easdem, nec homonymas, ita ut *žarna*, mola  
manualis plural. tant. a voce *czarny* nunquam possit derivari. Sed hæc forsitan  
sunt levia et minoris momenti. Nescio an non graviora sint illa p. 88. recertionibus  
nominibus pagorum in Baronatu Pszczynensi s. Plessensi Orłow, Orzechow, O-  
remba, Herzmanowice probari: sylvam Orcyniam ibi fuisse. Recentiores illæ pa-  
gorum appellationes in planis a montibus jam longe dissitis campis certo nihil ad  
Carpathos in Te-sinensi Ducatu denominandos facere potuerunt et nullus inter eos  
et Orcyniam Sylvam fuit unquam nexus. Terminationem *wice* per se quoque nihil  
unquam valuisse, credibile est, sed si quis eam a *Wieco*, circulus, consessus judicium  
unde *wiecznica* Prætorium, curia, vox jam pridem antiquata, in Vita Jesu Chri-  
sti auctore S. Bonaventura, interprete Balthasare Opecio a. 1522. obvia, si  
quis, inquam, a *wieco* derivare voluerit terminationem *wice* innumeris oppidis  
et pagis inditam, sane is errasse non videbitur. Et *wieco* cum antiquo Go-  
thico *Wich* cognatum esse facile concedimus. Cæterum et Budorgim magnam  
civitatem fuisse nemo antiquorum Scriptorum memoriæ prodidit et ex recen-  
tioribus si id fecerunt, qui Wratislaviam Budorgim fuisse crediderint. 51° 6'  
50'' Lat. 34° 45' Long. vid. Klosii Epistolæ de Wratislavia Germanice scri-  
ptæ T. 1. p. 95. At Budorgis apud Ptolemæum 40° Long. 50° 30' Lat. et  
Budorigum 41° Long. 52° 40' Lat. — Utramque civitatem Mannertus quidem  
nam fuisse et circa Ratiboriam jacuisse affirmavit, quod nos quanquam dif-  
ficile et grave nobis sit a Mannerto et Krusio dissentire, tamen sat idoneis  
causis negari posse existimamus et duas civitates easque remoto satis locorum spa-  
tio distentas fuisse credimus. Sed de his alio loco et tempore disputabimus.  
Budorigum esse oppidum Szrem, quod primum urnarum multitudine jam a.  
1415 innotuit, Dlug. Hist. XI. 371. Budorgim esse forsitan Nimcium in Vi-  
ta S. Ottonis. 1124. Nemetiam aut aliud quodvis oppidum versus Meridiem  
a Wratislavia distantiae ejusdem evincere conabimur, si quid in re tam an-  
tiqua evinci potuerit, nam et Slavis et Germanis combustio cadaverum et  
o silegium et urnarum sepulcralium usus et sexcenta alia erant communia,  
quæ e communi forsitan cæremoniarum fonte, a primis gentilitatis incunabu-  
lis, ex Asia secum tulisse videntur. Etiam in terris per Slavos nunc vel olim  
ha-



habitationis maior inveniri solet urnarum multitudo, quam in aliis regionibus, quæ vel paucos vel nullos Slavos incolas habuerint.

Descriptio duorum Codicum Bibliothecæ Univerſitatis litterariæ Cracoviensis.

I. Codex membranaceus in 8<sup>vo</sup> majori, foliis 150. Fol. 1. recto nitide picto in limbo: Sanctitissimo Patri Alexandro Quinto Pontifici Maximo Jacobus Angelus Florentinus. In libros Cosmographie Ptholemei Prohemium. In fine: folio ultimo: Claudii Ptolemæi Viri Alexandrini Cosmographiæ octavus et ultimus liber finit. Quem demum e Græco Latinum fecit Jacobus Angelus Florentinus civis. Ad Laudem Omnipotentis Amen. Explevi 1472. 19. Septembris. folio autem vacuo ante textum 1.<sup>mo</sup>: Joannes Broscius emit Patavii 4. libris die XVI Decembris anni 1623. 4. Libræ valent  $\frac{1}{3}$  aurei Ungarici. Aestimabatur eo tempore aureus Ungaricus libris duodecim. Scriptio hujus codicis nitida, cursiva, Italica, mendis tamen non carens v. g. Libro III. Germaniæ situs. Sub his *Semana est silva et Asbigurgius mons*, cui 30. 54: et 44. 52 $\frac{1}{2}$  Gabrica et Gabrita silva. Pro Budorigo est: Ludorigum 41. 52 $\frac{2}{3}$  Carodunum 42 $\frac{2}{3}$  51 $\frac{1}{2}$  Assanca 43. 93. Sarmathiæ Europe finis: Sarmathia Europe terminatur a Septemtrione oceano Sarmathico juxta Vennedicum et parte terre incognite secundum hanc descriptionem. Post Instule fluvii ostia Cronis flu. ostia 50. 50. Super autem Tyram flu. penes Daciam Carodunum 49 $\frac{1}{2}$  48 $\frac{2}{3}$

II. Atlas Ptolemæi fol. maj. in charta papyracea lintea, in qua insigne, quod vulgo reperitur in libris typo Nicolai Jenson Galli apud Venetos expressis, a 1471 vid. Jansen Essay sur l'origine de Gravure Paris 1808. p. 342. Planche T. I. 13. N<sup>ro</sup> 69. Hoc insigne est autem pileus cardinalitius. Atlas noster jam passim mutilatus has continet tabulas sine textu ullo. 1. Orbis Terrarum 2. Britannia 3. Hispania 4. Gallia 5. Germania Magna 6. Rhetia, Noricum, Vindelicia, Pannoniæ et Illirycum. 7. Italia 8. Sicilia 9. Sardinia 10. Sarmatia Europæa et Asiaticæ pars. 11. Græcia 12. Mauritania 13. Numidia 14. Cyrenaica, Lybia et Aegyptus 15. Lybia inferior 16. Asia minor 17. Sarmatia Asiatica, 18. Regionibus inter Pontum Euxinum et Mære Caspium 19. Syria, Mesopotamia, Babylonia 20. Armenia, Media, Parthia 21. Arabia 22. Scythia 23. Serica 24. Aria etc. 25. India citra Gangem 26. India ultra Gangem 27. Taprobane. Vacua papyri totidem fere folia forsitan delineationi recentioris Geographiæ tabulis destinata erant, ut in Nicolai Donis editionibus 1482. 1486. Ulmæ Hispaniam et Galliam recentiores habemus post antiquas harum terrarum tabulas. Quæ enim Ptolemæi geographiæ factæ fuerunt tabulæ, eadem etiam novis recentioris Geographiæ non raro adaptatæ sunt mappis, ut quæ vitia in illis inveneris, in his quoque reperias v. g. ut Suevus amnis apud Ptolemæum in mare influit, ita Spreva quoque in salum defertur apud Sebastianum Münsterum in Cosmographia ejus a 1567. Tabulæ autem nostræ in picturis et delineationibus similiores sunt Nicolai Donis tabulis, quam Romanæ editionis 1478 aut Bononiensis 1491. (1462.) Sed majores sunt utrisque. Differunt etiam in multis v. g. in Germania Magna: Vistulæ fons infra Budorigum 40° Long. 53° Latit. cum magno circuitu ad Asciburgium Montem, in quo Luti, Buri, Lutidunum (sic) Budorigum in dextra, Leucaristus in sinistra, et Calisia iterum in dextra Vistulæ ripa, Setidaba in sinistra. Ad 53.° 15' devolvitur in Vistulam aliud flumen, quod Nicolaus Donis caput Vistulæ esse credidit, idemque Visbur-




*burgios, Asancam* in sinistra ripa Vistulae posuit. Ad Albis fontes *Casurgis* et non procul inde *Rediatumium* (sic) *Budurgis* 40° Long. 50° 30' Lat. *Nomisterium*, *Hegatmatia* 51. Lat. 39° 30' et 40° Long. Inter *Budurgim* et *Orcynium* nemus *Visburgii* et non procul inde *Assanca* 50° 30' Lat. 42° 45' Long. Quodlibet oppidum quadrato s. potius parallelogrammati inclusum, in quo nota puncti designat verum civitatis situm. At in Gallia et Hispania aliæ notæ appositæ sunt eæque arbitrariæ vel aliquot punctorum vel aliorum signorum v. g. lunæ, glandis, etc. quibus indicatur, ad quam qua civitas gentem pertinuerit. Sed hæ notæ desunt in Germania Magna. V. c. ad Eduos (Aeduos) lunæ nota signatos Augustodunum, Lugdunum, Cabalinum eodem signo itidem notatæ urbes pertinent in Gallia—Cæterum magna cura et diligentia iidem gradus Longitudinis et Latitudinis servati sunt, ut in textu Ptolemæano indicantur. Alia, quæ reperiuntur, oppida Carrhodunum dicta apud Ptolemæum, sunt: **Bibl. 3-4**

1. Carrhodunum 33° Long. 50° 46. Lat. in Vindelicis, quod Bertius p. 62. (56) Krainburg in Bavaria nominavit (Kruse Archiv III. 99.)
2. Carrhodunum 39° Long. 46° Lat. in Pannonia Superiori (Karnburg) Bertius l. c. 63 (57.)

3. Carrhodunum 40° 30' Long 48° 40. Lat (supra Tyram flu. penes Daciam) Bertius. p. 83. (74). Hoc oppidum Cluverius Leopolim esse censuit, sed si supra Tyram (Dniester) idem valet ac ad Tyram, versus Daciam in dextra Tyræ ripa quærendum erit hoc oppidum fere inter Zaleszczyki et Czernelice in dextra Danastris ripa.

At apud Crusium est Carrhodunum in Pannonia superiori l. c. 98. Czakotorn in Styriani fallimur per errorem typographi, oppidum ad fines Styriæ in Ungaria situm, Carrhodu, num Bastarnarum Czaykowice in Galicia. Ibidem p. 99. laudantur quoque Cracovia Megalopolitani Ducatus oppidum, Cracovia (Krocke) pagus Anhaltinus, alius item non procul a Magdeburgo, alius in Misnensi Marchionatu. Addimus hoc loco Moravicos pagos et oppida Krakow, Krakowice, item Pomeranicum Krokow, unde Matthæus de Cracovia, Krocow. Tandem et alia Polonica v. g. Krakuszowice pagum tribus miliaribus a Cracovia trans Vistulam in Galicia distantem, ubi etiam est tumulus Craci, quem alii dicunt Secundi sive Junioris, alii vero Senioris, esse sepulchrum. Sunt etiam qui negent verum ad Cracoviam Craci l. tumulum esse, at illum esse genuinum. Sunt quoque et Czechorum sive Bohemorum recentiorum fabulæ, quæ Crocum Bohemum Slavum nostram civitatem condidisse ferant, quibus occasionem dedisse videtur Pulkava sec. XIV. qui Cracoviam a Craco Croci fratre exstructam esse scripserit, alii id negant et Krakowiec arcem in Bohemia conditam Cosma duce autumant. Dobner ad Hagecium II. 77. Quis in re tam incerta aliquid certi proferre audebit, et recte Dobnerus omnibus omnes esse fabulas simillimas affirmavit. Quam ob rem nos quoque nec pro nostra sententia nimis contendere, nec eam unice veram esse volumus.



OR-



# ORDO THEOLOGORUM.



*Matthaeus Kozłowski, Ord. Praed. S. Theol. D. Hist. Eccl. P. P. O. h. t. Fac. Theologicae Decanus.*

Hor. mat. 10—11. quotidie, die Jovis excepto, exponet Historiam ecclesiasticam methodo Alberi.

*Florianus Kudrewicz, Ord. S. Basilii M. S. Theol. D. S. Script. Prof. P. O.*


Horis mat. a 9—10, exceptis diebus Jovis, quotidie, praemissis Historia Exegetica, antiquitatibus et Philologia Sacra ad Novum testamentum spectantia tradet, Hermeneuticam generalem Novi Testamenti, tum specialem, demum ad explicationem Evangelii secundum Marcum accedet.

*Nicolaus Janowski, S. Theol. D. Moral. et Pastoral. et Eloquentiae Sacrae P. O. Can. Cath. Eccl. Crac.*


Horis pom. 1—2 iisdem diebus quinis per hebdomadam, scilicet die Lunae, Martis, Mercurii, Veneris et Saturni, tradet Theologiam moralem ad mentem legis naturae at evangelicae. Idem praeleget etiam Theologiam pastorem, et praecepta eloquentiae sacrae docebit.

*Blasius Helbinowski S. Theol. D. Prof. Ord.*

A semihora octava ad semihoram nonam diebus consuetis tradet Dogmaticam.



# ORDO JURIS-CONSULTORUM.



*Felix Słotwiński, Phil. et J. U. D. P. P. O. h. t. Fac. Jurid. Decanus.*

Hor. pom. 3—4 quotidie, excepto die Saturni, Jus naturae universum, privatum, civitatis et gentium, necnon Methodologiam et Encyclopaediam Juris docebit.

Hor. mat. 8—9 diebus Lunae, Mercurii et Saturni, Jus ecclesiasticum tradet.

*Valentinus Litwiński, J. U. D. Prof. P. O.*

Hor. pom. 5—6½ quotidie exceptis diebus festis semestri hiemali, Codicem judicarium civilem in Regno Poloniae vigentem explicabit et quae e Codice civili Austriaco judiciario et legibus antiquis Polonicis huc pertinent, simul exponet, semestri autem aestivo jus criminale juxta textum Codicis Criminalis Austriaci cum applicatione Codicis criminalis Polonici tradet.

*Adamus Krzyżanowski, J. U. D. Prof. P. O.*

Hor. 8½ ad 10 quotidie, diebus festis exceptis, Historiam Juris antiqui Polonici, deinde Codicem civilem in Regno Poloniae vigentem, ratione Codicis Civilis Austriaci et legum antiquarum Polonicarum habita, tum Codicem



dicem Mercantilem, qui in Regno Poloniae obtinet, cum applicatione legum, quae apud Gentes vicinas in usu sunt, explicabit.

*Augustinus Boduszyński J. U. D. P. P. O. Reipubl. Crac. Senator.*

Hor. pom. 5— $\frac{1}{2}$  Historiam Juris Romani, Institutiones Justinianae cum provocatione ad Pandectas et Codicem Repetitae Praelectionis, tandem Jus Feudale tradet.

*Nicolaus Hoszowski J. U. D. Prof. P. O. Reipubl. Cracovien. Senator.*

Horis mat.  $\frac{1}{2}$  9—10 diebus Martis, Jovis et Veneris, 9—10 diebus Lunae, Mercurii et Saturni disciplinas politicas tractabit, scilicet: primum Oeconomiam Nationum puram, deinde Oeconomiam politicam et Doctrinam reddituum s. Finantiae vulgo dictae, nec non Politiae, ac tandem theoriam Agriculturae et Constitutionis Regni Poloniae Liberaeque Civitatis Cracoviensis.

---

## ORDO MEDICORUM.

---

*M. J. J.*

*Sebastianus Girtler, Phil. et Med. D. Politiae medicae, historiae medicinae et institutionum medico-chirurgicarum P. P. O. h. t. Facultatis medicae Decanus.*

Hor. 11— $\frac{1}{2}$  1. diebus Martis, Jovis et Saturni Politiam medicinalem ex propriis scriptis lingua Polonica tradet. Deinde ad pralegendum de Historia medicinae pariter ex propriis scriptis secundum ordinem variarum theoriarum et systematum cum necessaria recensione accedet, idque latino idiomate. Hisce diebus ab hora 5 ad 6. Medicinam forensam docebit, duce Plencio et Metzgero ex propriis scriptis; finito vero hoc cursu artem Veterinariam compendiose ex propriis scriptis explicabit, mox secundum Pilgnerum, mox secundum Bojanum aliosque varios Auctores.

*Adalbertus Georgius Boduszyński, Med. D. Pathologiae et Therapiae tam generalem quam spec. P. P. O. Reip. Crac. Protomedicus.*

Hor. mat. 10—11 diebus Lunae, Mercurii et Veneris Lingua Latina Pathologiam generalem explicabit; diebus Martis, Jovis et Saturni hor. mat. 10—11 $\frac{1}{2}$  doctrinam de Therapia generali et speciali tradet.

*Ignatius Woźniakowski, Medicinae Doctor ab Augustissimo Caesare Austriae, Rege Apostolico, Honoris Numismate ornatus, vices gerens Decani Facultatis Medicae P. P. O.*

Diebus Lunae Mercurii et Jovis ab hora 8. ad 9. idiomate latino materiam medicam, diebus iisdem ab h. 4. ad 5. idiomate Polonico Chirurgiam theoreticam, ac denique diebus Martis et Veneris eadem hora Artem obstetriciam theoreticam idiomate polonico tradet.

*Josephus Sawiczewski Med. D. Pharmaciae P. P. O.*

Diebus Lunae, Martis, Mercurii et Jovis ab hora 9 matutina ad 10. Pharmaciae docebit, qua finita, Toxicologiam explicabit.

b

*Josephus*



*Josephus Kozłowski, Med. D. Anatomiae et Physiologiae P. P. O.*  
 Anatomiam et Physiologiam tradet idiomate Polonico diebus Lunæ, Martis, Mercurii, Jovis et Veneris. Præterea tradet semestri hiemali pro opportunitate tempore vespertino per duas horas continuas Anatomiam practicam, semestri vero æstivo Physiologiam diebus Mercurii et Veneris post meridiem ab h. 4. ad 5.

*C. F. Soczyński Med. D. P. S.*

Horis mat 8—9 quotidie in Nosocomio Latine et Polonice explicabit morbos ægrotorum, qui in instituto clinico curantur.

Horis pom. 5—6 diebus Lunæ, Mercurii et Veneris, artem veterinariam tradet.  
*Xystus Lewkowicz, Med. et Chir. D. S. Annae Illiæ Classis et Legionis Honoris Eques, Chirurgiæ Practicæ P. P. O.*

Hor. pom. 3—4 diebus Martis, Jovis et Saturni in curationibus chirurgicis rite instituendis Auditores ad praxim formabit.

Horis matutinis 8—9 hiemali semestri, vernali et æstivo ab 7 ad 8 Clinicen chirurgicam duce Richerand, obstetriciam vero ducibus Baudeloque Boér et Widman quotidie exhibebit.

*Julianus Sawiczewski Med. D.*

Horis pom. 2—3 diebus Martis et Saturni tradet Macrobioticam.

---

## ORDO PHILOSOPHORUM.

---

### I) FACULTATIS MATHEMATICÆ ET PHYSICÆ.

*Romanus Markiewicz, Phil. D. P. P. O. Decanus h. t. Fac. Phil. Math. et Phys.*

Horis mat. 9—10 quotquot diebus, festis exceptis, Physicam experimentalem ad normam sui opusculi in usum Lyceorum editi, addens huic e tractatu physices Bioti addenda ampliora de expansibilibus et incoercibilibus tum de annulis coloratis, polarisatione fixa et mobili, sub finem vero anni doctrinam de Electromagnetismo e propriis schedis præleget. Quibus scientias physicas sibi proprias reddere propositum est, diebus Lunæ ac Saturni, hora 2—3 a meridie, demonstrationes difficiliore, ubi necesse fuerit, tum experientias longiusculas vel præcipuas, commodiori tempore, oculis subjici curabit.

*Felix Radwański, Phil. D. Mechanices et Hydraulices, Prof. emeritus, Reip. Crac. Senator.*

Diebus festis horis pom. 2—4 scientiam muniendarum viarum tradet.

*Aloisius Estreicher, Phil. et Med. D. P. P. O.*

Hor. mat. 10—11 quotidie exponet Zoologiam per semestre hiemale ducibus Cuvier, Ocken, Illiger, Lamarck et aliis, qui hac de re tractarunt.

Hor.



Hor. mat. 7—8 Botanicen tradet per semestre æstivum.

Hor. pom. 2—3 diebus Martis et Jovis tradet doctrinam de generis humani varietate nativa per semestre hiemale.

Hor. pom. 6—8 exercitationes botanicas instituet, et ad botanices practicæ usum manu ducet, atque dendrologiæ rudimenta exponet per semestre æstivum.

*Carolus Hube, Phil. D. P. P. O. Matheseos sublimioris.*

Hor. mat. 8—9 quotidie exceptis diebus Saturni tradet Analysin finitorum, calculum analyticum trigonometricum, trigonometriam sphericam et geometriam analyticam, præcipue theoriâ superficierum secundi gradus, duce Hachette.

Hor. mat. 9—10 diebus Martis, Mercurii et Veneris calculum differentialem et integralem, cum applicatione speciali ad Geometriam sublimiorem docebit.

*Josephus Łęski, Phil. Dr. Astronomiæ Professor P. O.*

Hor. mat. 9—10 semestri altero introductionem in disciplinas astronomicas repetet, quæ Polonice in lucem edita est, altero vero ducibus Delambre et Biot supplebit, quæ ad scientiam astronomicam præcipua sunt præceptorum capita. Tum duce Puissant disciplinam mappas topographicas delineandi compendiose explicabit.

*Josephus Markowski, Phil. et Med. D. Professor Chemiæ P. O.*

Hor. 11—12 quotidie exceptis festis Chemiam docebit.

Hor. 9—11 diebus Solis Mineralogiam.

*Franciscus Sapalski, Phil. D. Professor Geometriæ descriptivæ P. O.*

Horis 12—1½ Geometriam descriptivam tradet theoreticam et accommodatam perspectivæ umbrarum, artibus fabrilibus et gnomonicæ, diebus Lunæ, Martis, Mercurii et Jovis.

Hor. 12—1 diebus Veneris et Saturni Mechanicam et Hydraulicam per semestre æstivum.

Hor. pom. 2—3 diebus Solis tradet opificibus et artificibus Architecturam et Mechanicam practicam.

*Franciscus Szopowicz, Prof. P. O.*

Hor. mat. 8—9 quotidie, exceptis diebus Saturni, Mathesin inferiorem i. e. Arithmeticam, Algebram, Geometriam elementarem cum practica et analytica explicabit duce Lacroix.

---

## II.) FACULTATIS LITERARIÆ.

*Hermannus Schugt, Phil. D. Linguae Graecae P. P. D. h. t. Fac. Phil. Lit. Decanus*

Horis pom. 2—3 diebus Lunæ, Martis et Mercurii explicabit Horatii Odas.

Horis iisdem diebus, Jovis Veneris et Saturni Xenophontis Analysin.

Horis pom. 4—5 Styli cultioris linguae Graecae præcepta profectoribus tradet. Semestri æstivo enarrabit historiam Literarum Romanarum.

*Julianus Czerwiński, Phil. D. Professor Historiæ P. P. O. Senator Reip. Crac.*

Hor. pom. 5—6 quotidie, diebus Ven. et Sat. etiam a 7. ad 8. pom. enarrabit historiam antiquiorem et recentiorem. II.) Geographiam physicam et politicam.



liticam. III.) docebit artem criticam, quæ ad legendos historicos est neces-  
saria. IV.) literarum et scientiarum progressum demonstrabit.

*Georgius Samuel Bandtkie, Phil. D. Professor Bibliographiæ P. O. et Bibliothecarius.*

Hor. pom.  $\frac{1}{2}$ —3 die Mercurii, Veneris et Saturni Bibliographiam profitebitur.

Collegium styli cultioris duce Beckio (Artis Latine scribendi præcepta Lip-  
siæ 1802.) et disputatoria philologica et historica cum selectis juvenibus  
instituet diebus Martis, Jovis et Veneris hor.  $7\frac{1}{2}$ —9.

Idem semestri æstivo horis definiendis, comparisonem dialectorum Slavicarum  
e supellectile sua qualicunque literaria Slavica [juvenibus vernacularum  
linguarum philomathibus ostendere conabitur.

*Paulus Czaykowski, Phil. D. Literaturæ Polonicæ P. P. O. Senator Reip. Crac.*

Hor. mat. 10—11 traditis præceptis eloquentiæ et poëseos, per classicorum  
Auctorum exempla illustratis, Auditores ad exercitia Linguae Patriæ in  
utroque orationis genere ducet.

*Guilhelmus Münnich, Phil. D. Prof. Linguarum Orientalium P. O.*

Linguam latinam una cum linguis Orientalibus docebit diebus Lunæ, Mer-  
curii et Veneris hor. 12— $1\frac{1}{2}$ . Diebus Martis, Jovis et Saturni hor. 11—12<sup>2</sup>.

Idem semestri æstivo Antiquitates Romanas explicabit.

*Josephus Jankowski, J. U. et Phil. D. P. P. O.*

Hor. pom. 3—4. docebit Philosophiam theoreticam et practicam diebus Mar-  
tis, Mercurii, Veneris et Saturni, Exercitationes vero pædagogicas in-  
stituet die Lunæ h. 3—4. Diebus Martis et Saturni mane hor. 7—8 Hi-  
storiam Philosophiæ.

Lectorium in Bibliotheca publica Univ. Cracov. patebit hor. pom.  
2—4 hyemali, hor. 3—5 æstivo semestri, diebus Lunæ, Martis et Jovis. Ho-  
spitibus vero extraneis, qui Bibliothecam, Musea, Speculam Astronomicam et  
Hortos Botanicos invisere cupiant, nulla hora præfinita est, dummodo tem-  
pus prælectionibus sacrum Bibliothecario et Præfectis Museum Mineralogici,  
Zoologici et Hortor. Botan. condonare velint. Quovis tempore de commoda  
hora certiores facti, curiosi hospitibus nunquam deerunt. Museum Physi-  
cum patebit curiosis, qui adesse dignabuntur, hora 10 matutina, finita præ-  
lectione.

Docebunt artem pictoriam *Josephus Peszke Prof. P. O.* et *Josephus  
Brodowski Prof. P. O.* semestri brumali horis mat. 10—12 semestri æstivo  
8—12. Linguam Anglicam tradet *Hermannus Schugt* hor. 3—4, Germanicam  
*Ludovicus Teichmann* horis pom. 4—5, Italicam *Stephanus Laberi* quotidie  
hor. pom. 5—6 *Augustus Ledru* Linguam Gallicam docebit hora pom. 2—3.  
diebus Martis, Mercurii, Jovis et Veneris. Iisdem diebus h. p. 4—5. *Ale-  
xander Sotowiewicz* Linguam Rossicam. Artem saltandi quater per heb-  
domadem *Petrus Couder* hor. pom. 4—5. Artem equitandi *Theodorus Coghén*  
hor. pom. 2—3.

